



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvngensis Ecclesiae, Ab Anno Christi  
MDCXXVIII.**

**Brogberen, Johannes**

**Coloniae Agrippinae, 1657**

Orationes Mentales, in fine Sessionis secundae.

**urn:nbn:de:hbz:466:1-14298**

cularis Ecclesiæ, sed totius Cleri exemplum, & Episcopatus hujus bonum dependet. Unde in eos, qui non obederint ipsorum monitionibus ac mandatis, assistentiam brachiumque debite offerimus. Et, cum Scholastici, Cantores & Thesaurarii, sæpe non exiguos eo nomine redditus habeant; sciant, quod vicissim ad scholas, cantum & suppellectilem sacram Ecclesiæ attendere, & personas sibi subordinatas ad hoc constringere; teneantur; aliàs Deo & Nobis reddituri rationem; nec fructus, ob hoc officium perceptos, suas faciant, sed eosdem restituere debeant.

*Leitis hucusque Decretis, jubebantur omnes ii, qui mane, justo impedimento detenti, non adfuerant, nec professionem fidei emisserant, eandem ad manus Illustrissimi, aut Officialis aut Promotorum, præstare.*

*Horà quintà pomeridianà audità, primus Promotor, D. Iodocus à Leedebur, iterum institit contra contumaces, ut manè.*

*Secretarius Synodi accessit ad Illustrissimum, interrogans genussexus, an placeat indici tertiam Sessionem crastino die habendam.*

*Respondit Illustrissimus: Placet, indicat, crastino die Synodum continuandam ad horam septimam matutinam.*

*Secretarius deinde ascendit suggestum, indixit tertiam Sessionem futuram altero die hora VII matutina.*

*Post hæc Diaconus Synodalis cantavit, Orate, ut manè; factaque oratio mentalis ad tria capita.*

## ORATIONES MENTALES,

*in fine Sessionis secundæ.*

## I O R A T I O.

**D**IACONS. Fratres charissimi: unanimes orate pro Serenissimo Metropolitano, ut sanctè regat Ecclesiam Dei; ut flagella, perturbationes, contentiones, errores omnes, & omnes adversitates, dignetur avertere, detque illi, in tranquillitate paceque sanctà Ecclesias sanctas gubernare. (*Pausa.*)

## II O R A T I O.

**F**Ratres charissimi: Orate pro Reverendissimo Episcopo nostro FRANCISCO GVILIELMO, ut, divino Spiritu illustratus & roboratus, unà cum suis adiutoribus, & cum suo grege, consequatur vitam æternam. (*Pausa.*)

## III O R A T I O.

**F**Ratres charissimi: Orate unanimes Spiritum sanctum, Dominum messis hujus, ut operarios mittat in messem suam, detque omnibus, vineæ hujus Osnabrugensis operariis, Spiritus sancti ignem & lucem, ac demum æternam mercedem. (*Pausa.*)

*His omnibus peractis, Illustrissimus benedixit manu tantum, nil dicendo; &, depositis paramentis, recessit. quem ad fores Ecclesiæ comitati sunt Canonici Cathedralis Ecclesiæ tantum.*

## S E S S I O T E R T I A.

**D**ie xxv Martii, horà quartà matutinà, in Cathedrali & Collegiata sancti Ioannis, decantatum Matutinum, Horæ minores, & Sacrum conventuale.

*Horà sextà matutinà, facta compulsatione ad Synodum, in Cathedrali convenit Clerus, in & extra Chorum.*

*Horà septimà, processit Illustrissimus cum suis ex Residentia ad Ecclesiam, cum mozetta; exceptusque à Prælati Cathedralis Ecclesiæ & Canonicis, loco & more solito, assumpsit Cappam Episcopalem; perrexit inde, organo perstrepeute, ad Chorum, & precibus ante SS. Sacramentum & altare majus præviis, thronum ascendit; ibidemque amictu, albà, cingulo, stolà, pluviali, & mitrà, induitus fuit; assistentibus Illustrissimæ Suæ Celsitudini duobus Diaconis, in habitu solo Canonicali choralis, sine paramentis sacris. modico deinde spatio confedit in faldistorio, descendit ad altare, & cum Abbate Iburgensi, qui Sacrum, hoc die, de SS. Trinitate cantaturus, Illustrissimam Suam Celsitudinem, cum sibi assistentibus, jam tum paratus, in Ecclesia ad cornu Epistolæ, & facie ad thronum versà, expectavit, Confessionem dixit.*

*Sub Sacro, post sumptam Communionem, paraverunt se ministri Synodales retro altare summum,*

*Benedictio in fine Missæ data non est; sed mox, finito Sacro, accesserunt ad Illustrissimum dicti ministri Synodales, induiti, Abbate cum suis retro altare recedente.*

*Illustrissimus processit ad altare. Diaconus Synodalis, ut heri, facie versà ad Clerum, cantavit, Orate. Illustrissimus subjunxit Antiphonam, Exaudi nos Domine, ut in Pontificali; scholà prosequente. Finità Antiphonà Cantores inceperunt Psalmum, Salvum me fac Deus, & se, sedentes, alternatim cantando, absolverunt in Choro. Repetit à Antiphonà, Illustrissimus, versus altare stans sine mitrà, dixit Orationes, Ad te Domine, ut in Pontificali. deinde, præviis consuetis carimoniis, cantatum Evangelium, Si peccaverit in te frater tuus. Lecto Evangelio, & incensato Illustrissimo, flexis genibus ante altare, incepit hymnum, Veni Creator; cujus hymni primum versum posteaquam omnes genussexi absolverant, movebatur processio, ut heri, ad locum Synodalem; & alternatim à Clero & Organo, præfatus hymnus absolutus fuit.*

*In loco Synodali, consistentibus jam omnibus in suis*